

প্রো-উপাচার্য(প্রশাসন)

ঢাকা বিশ্ববিদ্যালয়

ঢাকা বিশ্ববিদ্যালয়ের তথ্য প্রযুক্তি ইনস্টিটিউটের দশম ব্যাচের শিক্ষার্থীদের আগমন ও ষষ্ঠ ব্যাচের সফল স্নাতকদের জন্য “নবীন বরণ ও বিদায় সংবর্ধনা” আয়োজিত হচ্ছে জেনে আমি অত্যন্ত আনন্দিত। এই আনন্দঘন মুহূর্তে এই ইনস্টিটিউট এর পরিচালকসহ সহকারী শিক্ষকমন্ডলী এবং শিক্ষার্থীদের জানাই আমার আন্তরিক শুভেচ্ছা।

আজ এ প্রতিষ্ঠানটি তার দশম ব্যাচকে নবীন বরণ এবং ষষ্ঠ ব্যাচকে বিদায় সংবর্ধনা দিতে চলেছে। আমরা জানি বর্তমান যুগ তথ্য প্রযুক্তির যুগ। এই ইনস্টিটিউটে অধ্যয়ন করে শিক্ষার্থীরা তথ্য প্রযুক্তিতে দক্ষ হয়ে প্রযুক্তিগত উন্নয়নে গুরুত্বপূর্ণ ভূমিকা রাখবে। আমি দৃঢ়ভাবে আশা করি এই ইনস্টিটিউট এর শিক্ষার্থীদের মাঝে অসাম্প্রদায়িক চেতনা ও উদার মানবতাবাদী দর্শন বিকাশ লাভ করবে। আমার প্রত্যাশা থাকবে এখান থেকে যারা স্নাতকত্ব অর্জন করল তারা দেশে ও আন্তর্জাতিক পরিমন্ডলে তাদের মেধা, দক্ষতা ও উদার মানবিক গুণাবলীর স্বাক্ষর রাখবে, ঢাকা বিশ্ববিদ্যালয়ের নাম উজ্জ্বল রাখবে। নবীন শিক্ষার্থীরা তাদের মেধার সুউচ্চ নৈতিকমূল্য এবং পরিশ্রম দিয়ে এই ধারা অব্যাহত রাখবে। আমি নবাগত ও বিদায়ী শিক্ষার্থীদের আন্তরিক অভিনন্দন জ্ঞাপন করছি এবং তথ্য প্রযুক্তি ইনস্টিটিউটের সার্বিক সাফল্য ও অগ্রগতি কামনা করছি।

ঢাকা বিশ্ববিদ্যালয় চিরজীবী হোক। বাংলাদেশ চিরজীবী হোক।

---

অধ্যাপক ড.মো.সামাদ